



REPUBLIKA E SHQIPËRISË  
KOMISIONERI PËR TË DREJTEN E INFORMIMIT DHE MBROJTJEN E TË  
DHËNAVE PERSONALE

Nr. 13 Prot

Tiranë, më 06/01/2015

REKOMANDIM

Nr. 01 datë 06/01/2015

Në mbështetje të neneve 29, 30 dhe 32 të ligjit nr. 9887, datë 10.03.2008 "*Për Mbrojtjen e të Dhënave Personale*" i ndryshuar, si dhe neneve 80-104 të ligjit nr. 8485, datë 12.05.1999 "*Kodi i Procedurave Administrative të Republikës së Shqipërisë*".

KONSTATOVA:

Në zbatim të urdhrit nr. 206 datë 21/11/2014 Komisioneri për të Drejtën e Informimit dhe Mbrojtjen e të Dhënave Personale, ka ushtruar kryesisht kontroll administrativ pranë kontrolluesit, "Ministria e Mjedisit" me objekt;

- *Zbatimi nga ana e kontrolluesit e ligjit nr. 9887 datë 10/03/2008 "Për Mbrojtjen e të Dhënave Personale" i ndryshuar, si dhe aktet e miratuara nga Komisioneri, gjatë kryerjes së aktivitetit të tij.*

Kontrolluesi "Ministria e Mjedisit" është kontrollues publik i cili ka për objekt dhe mision hartimin dhe propozimin e politikave, strategjive dhe planeve të veprimit për mbrojtjen dhe administrimin mjedisor, pyjeve, ujërave, bashkërendimin me institucionet e varësisë, etj.

Kontrolluesi si organ qendror dhe si organ që ka në varësi disa institucione si; Inspektorati Shtetëror i Mjedisit, Pyjeve dhe Ujërave, Agjencia Kombëtare e Mjedisit, Agjencitë Rajonale Mjedisore, Drejtoritë e Shërbimit Pyjor, Agjencitë e Ujit dhe të Baseneve, Qendra Ndërinstitucionale Operacionale Detare, për të realizuar qëllimin dhe misionin e tij, mbledh, përpunon, ruan, administron të dhëna personale dhe informacion konfidencial për subjektet e të dhënave.

Në këtë kuptim në cilësinë e kontrolluesit "Ministria e Mjedisit" mbart detyrimin e zbatimit të ligjit nr. 9887 datë 10/03/2008 "*Për Mbrojtjen e të Dhënave Personale*", i ndryshuar, si dhe akteve të nxjerra nga Komisioneri në zbatim të tij.

Nga kontrolli administrativ i ushtruar ka rezultuar se kontrolluesi, mbledh, përpunon të dhëna personale për kategorinë e subjekteve të të dhënave "*individë të ndryshëm*", në rastet e kontratave dhe marrëdhënieve që krijohen gjatë shfrytëzimit të *baseneve, ujërave, pyjeve, kullotave*, në rastet e trajtimit të kërkesë/ankesave të qytetarëve, si dhe të dhëna për kategorinë e subjekteve "*punonjës*".

Komisioneri për të Drejtën e Informimit dhe Mbrojtjen e të Dhënave Personale, pasi shqyrtoi procesverbalin e kontrollit administrativ dhe provat e administruara vëren se:

- Kontrolluesi “Ministria e Mjedisit” nuk ka bërë deklarin të saktë të përpunimit të të dhënave personale në “*formularin i njoftimit*” pranë zyrës së Komisionerit dhe nuk ka bërë përditësimin e tij, sipas detyrave të lëna në Urdhrin nr. 12 datë 10/04/2013 të Komisionerit në disa nga rubrikat; nuk është përditësuar emërtimi i kontrolluesit, nuk është deklaruar përpunimi i të dhënave personale nëpërmjet kamerave CCTV, nuk është deklaruar përpunimi i të dhënave sensitive “*shëndeti*”, “*gjendja penale*”, nuk është bërë saktësimi lidhur me komunikimin dhe përhapjen e të dhënave personale, nuk është deklaruar mungesa e rregullores për mbrojtjen e të dhënave personale.

Ky konstatim i bërë gjatë kontrollit administrativ lidhet me mos plotësimin e detyrimeve që rrjedhin nga neni 21 i ligjit nr. 9887 datë 10.03.2008 “*Për Mbrojtjen e të Dhënave Personale*” i ndryshuar.

Kontrolluesi duhet të njoftojë Komisionerin për përpunimin e të dhënave personale, për të cilat është përgjegjës. *Njoftimi duhet të bëhet para se kontrolluesi të përpunojë të dhënat për herë të parë ose kur kërkohet ndryshimi i gjendjes së njoftimit të përpunimit, sipas nenit 22 të këtij ligji, të njoftuar më parë.*

Mos përditësimi i njoftimit nga ana e kontrolluesit, lidhet me mungesën e transparencës ndaj publikut në raport me subjektet e të dhënave personale. Subjektet e të dhënave personale nëpërmjet “*Regjistrin Elektronik të Njoftimeve*”, i cili i është hapur për publikun në faqen zyrtare [www.idp.al](http://www.idp.al) të Zyrës së Komisionerit, kanë mundësinë të njihen me të dhënat personale që kontrolluesi përpunon, (*kategoritë e të dhënave personale, mjetet e përpunimit, subjektet të cilët përpunojnë të dhënat, sigurinë e të dhënave personale etj*). Komisioneri për të Drejtën e Informimit dhe Mbrojtjen e të Dhënave Personale, nëpërmjet “*Regjistrin Elektronik të Njoftimeve*”, mbikëqyr dhe monitoron kontrolluesit për përpunimin e të dhënave personale, në përputhje me ligjin për mbrojtjen e të dhënave personale, duke respektuar dhe garantuar të drejtat dhe liritë themelore të njeriut. Mos plotësimi i detyrimit ligjor për njoftim pranë Zyrës së Komisionerit, deklarimi i pasaktë apo mos përditësimi i formularit të njoftimit, bëjnë që Komisioneri të mos përmbushë qëllimin e ngarkuar në ligj.

- Kontrolluesi në faqen e tij të internetit [www.mjedisi.gov.al](http://www.mjedisi.gov.al), mbledh përpunon të dhëna personale, nëpërmjet aplikacioneve të ndryshme elektronike (rubrika kontakte) dhe nuk ka të publikuar në këtë faqe rubrikën “*politikat e privatësisë*”, me qëllim informimin e personave që vizitojnë faqen, mbi mënyrat e përpunimit të të dhënave personale, masat e sigurisë dhe ruajtjes së konfidencialitetit, të drejtat e subjekteve të të dhënave dhe detyrimet e kontrolluesit etj, detyrime që rrjedhin nga ligji 9887 datë 10/03/2008 “*Për mbrojtjen e të dhënave Personale*”, i ndryshuar.

Ky konstatim lidhet me detyrimin për informim të subjekteve të të dhënave personale neni 18 i ligjit nr. 9887 datë 10.03.2008 “*Për Mbrojtjen e të Dhënave Personale*”, i ndryshuar.

Publikimi i rubrikës “*politikat e privatësisë*” në faqen e internetit të kontrolluesit ka për qëllim informimin e individëve subjekte të të dhënave personale që aplikojnë online ose personave që vizitojnë/aksesojnë faqen.

Sipas përcaktimeve dhe detyrimeve që rrjedhin nga ky nen, kontrolluesi, kur mbledh të dhëna personale, duhet të informojë subjektin e të dhënave për fushën dhe qëllimin, për të cilin do të përpunohen të dhënat personale, për personin që do t’i përpunojë të dhënat, për mënyrën e

përpunimit etj. Kur kontrolluesi përpunon të dhëna personale, të marra nga subjekti i të dhënave, ai është i detyruar të informojë subjektin e të dhënave nëse dhënia e të dhënave personale është e detyrueshme apo vullnetare. Nëse subjekti i të dhënave, në bazë të një akti ligjor ose nënligjor, është i detyruar të japë të dhëna personale për përpunim, kontrolluesi e informon edhe rreth këtij fakti, si dhe rreth pasojave të refuzimit të dhënies së të dhënave personale.

Informimi në kohën e duhur dhe sa më i saktë i subjekteve të të dhënave personale nga kontrolluesit është një detyrim shumë i rëndësishëm në drejtim të respektimit të privatësisë dhe përpunimit të ligjshëm të të dhënave personale. Informacioni duhet të jepet i saktë dhe sa më i shpejtë që të jetë e mundur.

Mos realizimi i detyrimit ligjor për informim nga kontrolluesi iu mohon subjekteve të të dhënave personale të drejtën për tu informuar rreth të dhënave që ata deklarojnë pranë kontrolluesit, mbi mënyrat e mbledhjes, përpunimit, ruajtjes, masat e marra për sigurinë e të dhënave personale, faktin se ç'farë bëhet me të dhënat personale të tyre, kush po i përpunon të dhënat personale, ku dhe kujt i përhapen të dhënat e tyre, të drejtat e subjekteve të të dhënave personale dhe detyrimet e kontrolluesit në kuadër të mbrojtjes së privatësisë.

- Kontrolluesi "Ministria e Mjedisit" nuk ka hartuar rregullore të veçantë "*Për mbrojtjen, përpunimin, ruajtjen dhe sigurinë e të dhënave personale*", në zbatim të ligjit nr. 9887 datë 10/03/2008, "*Për Mbrojtjen e të Dhënave Personale*" i ndryshuar.

Nuk ka rregulla të shkruara, për përdorimin e sistemit të monitorimit me kamera CCTV.

Kontrolluesi është në fazën e hartimit të "*Rregullores së brendshme për organizimin dhe funksionimin e Ministrisë së Mjedisit*". Në këtë rregullore nuk konstatohen dispozita që garantojnë konfidencialitetin e informacionit dhe të dhënave personale, në frymën e ligjit 9887 datë 10/03/2008 "*Për Mbrojtjen e të Dhënave Personale*", i ndryshuar.

Konstatimi i bërë në këtë rast lidhet me nenet 27, 28 të ligjit nr. 9887 datë 10.03.2008 "*Për Mbrojtjen e të Dhënave Personale*", i ndryshuar dhe udhëzimin nr. 3 datë 05/03/2010 të Komisionerit, "*Përpunimi i të dhënave personale me sistemin e video survejimit në ndërtesa dhe mjedise të tjera*", i ndryshuar.

Mungesa e rregullave dhe e hartimit të rregullores së veçantë, në të cilën të jenë shprehur përcaktimet dhe detyrimet që rrjedhin nga nenet 27, 28 të ligjit nr. 9887 datë 10.03.2008 "*Për Mbrojtjen e të Dhënave Personale*" i ndryshuar, të cilat detyrojnë kontrolluesin të marrë masa teknike dhe organizative për përcaktimin e funksioneve ndërmjet njësive organizative dhe operatorëve për përdorimin e të dhënave, përcaktimin e aksesit, përcaktimi i personave të autorizuar që hyjnë në të dhënat dhe programet e ndryshme që aplikon kontrolluesi, tregojnë për mungesën e masave të sigurisë dhe shkallës së ulët të konfidencialitetit që ka kontrolluesi në procesin e mbledhjes përpunimit dhe ruajtjes së të dhënave personale. Dokumentimi në formë të shkruar i këtyre masave tekniko-organizative dhe zbatimi i tyre në praktikë është garanci për mbrojtjen e të dhënave personale në përputhje me ligjin, gjatë ushtrimit të veprimtarisë së kontrolluesit.

Mbledhja, përpunimi dhe ruajtja e të dhënave personale duhet të kryhen sipas parimit të respektimit dhe garantimit të te drejtave dhe lirive themelore të njeriut dhe në veçanti të drejtës së ruajtjes së jetës private.

Sa më sipër:

Në zbatim të neneve 29, 30 dhe 32 të ligjit nr. 9887, datë 10.03.2008 "*Për Mbrojtjen e të Dhënave Personale*" i ndryshuar, si dhe nenet 107-109 të Kodit Proçedurave Administrative,

## REKOMANDOJ:

1. Në zbatim të nenit 21 të ligjit nr. 9887 datë 10.03.2008 “Për Mbrojtjen e të Dhënave Personale” i ndryshuar, të përditësohet “formulari i njoftimit”, pranë Zyrës së Komisionerit.
2. Në zbatim të nenit 18, të ligjit nr. 9887 datë 10/03/2008 “Për Mbrojtjen e të Dhënave Personale” i ndryshuar, në faqen tuaj në internet [www.mjedisi.gov.al](http://www.mjedisi.gov.al) të publikohen në një rubrikë të veçantë “politikat e privatësisë”, me qëllim informimin e subjekteve të të dhënave personale, si dhe të përfshihen kushtet, kriteret që reflektojnë parimet e përpunimit të ligjshëm dhe të drejtë të të dhënave personale. (Në plotësimin e kësaj pike të Rekomandimit të mbahet parasysh Opinioni “Mbi Mbrojtjen e të Dhënave Personale në Faqen e Internetit të Kontrolluesve Publik dhe Privat” i cili gjendet i publikuar në faqen zyrtare [www.idp.al](http://www.idp.al).)
3. Në zbatim të nenit 27, 28 të ligjit nr. 9887 datë 10.03.2008 “Për Mbrojtjen e të Dhënave Personale” i ndryshuar, të hartohet rregullore e veçantë lidhur me mbledhjen, përpunimin, ruajtjen, sigurinë dhe konfidencialitetin e të dhënave personale, si dhe rregullore për përpunimin e të dhënave personale nëpërmjet sistemit të vëzhgimit me kamera. (Rregulloren tip mund ta gjeni në faqen zyrtare të Komisionerit [www.idp.al](http://www.idp.al) si dhe ofrojmë asistencën tonë)
4. Kryerja e këtyre detyrimeve të realizohet brënda një afati kohor prej 45 (dyzet e pesë) ditësh, nga momenti i marrjes dijeni të këtij Rekomandimi.
5. Për plotësimin e këtyre detyrimeve të njoftohet me shkrim pranë Komisionerit për të Drejtën e Informimit dhe Mbrojtjen e të Dhënave Personale.
6. Me kalimin e këtij afati në rast mospërbushje të këtyre detyrimeve, Komisioneri vepron sipas nenit 30, pika 2 të ligjit nr.9887 datë 10.03.2008 “Për Mbrojtjen e të Dhënave” i ndryshuar. Komisioneri në rast shkeljesh serioze të përsëritura ose të qëllimshme të ligjit nga një kontrollues ose përpunues, veçanërisht në rastet e përsëritura të rekomandimeve të tij, vendos sanksione administrative dhe e denoncon publikisht ose raporton çështjen në Kuvend dhe në Këshillin e Ministrave.

